

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo poljoprivrede,
vodoprivrede i šumarstva

Broj: 08-1-22/12- 641 /22 M.B.
Sarajevo, 22.03.2022. godine

BOSNIA AND HERZEGOVINA
FEDERATION OF BOSNIA AND HERZEGOVINA
Federal Ministry of Agriculture, Water
Management and Forestry
Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 30-03-2022			
Org. jed.	Broj	Priloga	Vrijednost
05/1	-02-	95	122

BOSNA I HERCEGOVINA
FEDERACIJA BOSNE I HERCEGOVINE
ZASTUPNIČKI DOM PARLAMENTA FEDERACIJE BIH
n/r zastupnika, Nedžad Šečić

BOSNA I HERCEGOVINA
FEDERACIJA BOSNE I HERCEGOVINE
ZASTUPNIČKI DOM PARLAMENTA FEDERACIJE BIH
n/r sekretara Zastupničkog doma Parlamenta FBiH ✓

FEDERACIJA BOSNE I HERCEGOVINE
VLADA FEDERACIJE BIH
n/r sekretara Vlade Federacije BiH

PREDMET: Odgovor na poslaničku inicijativu

Veza: Akt Zastup. doma Parl. FBiH br. 05/1-02-95/222 od 10.03.2022. godine
Akt Vlade Federacije BiH broj: 03-04-327-1/22 od 15.03.2022. godine

Poštovani,

Postupajući u skladu sa aktom Vlade Federacije Bosne i Hercegovine, broj i datum navedeni u vezi, kojim je dostavljena poslanička inicijativa za proglašenje divlje svinje štetočinom, koju je na 30. redovnoj sjednici Zastupničkog doma Parlamenta Federacije BiH održanoj 09.03.2022. godine, ispred Kluba Nezavisnih zastupnika doma Parlamenta Federacije Bosne i Hercegovine, podnio zastupnik Nedžad Šečić, dajemo sljedeći:

ODGOVOR

Status divljači, kao i gospodarenje lovištem i divljači u Federaciji Bosne i Hercegovine propisano je Zakonom o lovstvu ("Službene novine Federacije BiH", br.4/06, 8/10 i 81/14) i podzakonskim aktima donesenim na osnovu istog.

U skladu sa odredbama Zakona o lovstvu divlja svinja predstavlja vrstu krupne divljači koja slobodno živi u prirodi, a svrstana je u kategoriju lovostajem zaštićene divljači.

Lovištem se gospodari na osnovu lovnoprivredne osnove i godišnjeg plana gospodarenja lovištem.

Lovoprivredna osnova je dugoročni planski dokument kojim se uređuje gospodarenje lovištem i divljači na desetogodišnji period, u skladu s mogućnostima staništa te brojnosti i stanjem populacije divljači koja obitava u lovištu.

Godišnji plan gospodarenja lovištem je provedbeni dokument koji se donosi za lovnu godinu, koja počinje 1. aprila tekuće godine i traje do 31. marta naredne godine i zasniva se na odredbama lovnoprivredne osnove i podacima proljetnog prebrojavanja divljači i u njemu se između ostalog, planira izlučivanje (odstrjel) divlje svinje.

Saglasnost na lovnoprivrednu osnovu i godišnji plan gospodarenja lovištem daje nadležno kantonalno ministarstvo.

Odredbe lovnoprivredne osnove i godišnjeg plana gospodarenja lovištem su obavezne.

Sprečavanje i nadoknada štete od divljači u lovištu propisana je Zakonom o lovstvu i Pravilnikom o mjerama za sprječavanje štete od divljači i na divljači („Službene novine Tuzlanskog kantona”, broj: 14/20).

Član 68. stav 1. Zakona o lovstvu propisuje: “Korisnik lovišta dužan je preduzimati mjere za sprječavanje šteta koju divljač može učiniti imovini ili ljudima na zemljištu i vodi na kojima se nalazi lovište (održavanje broja divljači prema kapacitetu lovišta, obezbjeđenje prehrane u lovištu, postavljanje čuvara i dr.).

Članom 68. stav 2. Zakona o lovstvu propisano je: “Vlasnici zemljišta i stoke, odnosno korisnici zemljišta na kome je osnovano lovište dužni su na zemljištu, objektima gdje stoka boravi i opremi koja se koristi u obradi zemlje preduzimati uobičajene mjere za sprječavanje šteta od divljači i na divljači (učinkovitim ogradama, električnim pastirom, postavljanjem plašila, zaštitom mladih sadnica omotavanjem ili premazivanjem, ispašom stoke sa pastirom na površinama dozvoljenim za pašu, postavljanjem plašilica na kosačice i kombajne, sudjelovanjem u organiziranom pogonu i sl.)

Odredbama Pravilnika o mjerama za sprječavanje štete od divljači i na divljači propisane su obaveze korisnika lovišta, kao i vlasnika i korisnika zemljišta u cilju sprečavanja šteta koje divljač može pričiniti imovini ili ljudima na zemljištu i vodi na kojima se nalazi lovište.

Članom 2. Pravilnika o mjerama za sprječavanje štete od divljači propisane su obaveze korisnika lovišta u cilju sprečavanja šteta koje divljač može pričiniti imovini ili ljudima na zemljištu i vodi na kojima se nalazi lovište.

Korisnik lovišta obavezan je poduzimati slijedeće mjere:

- održavati brojnost divljači u granicama bonitiranih i lovno gospodarskom osnovom utvrđenih kapaciteta za uzgajanje zaštićenih vrsta divljači, a na nivou biološke ravnoteže za ostale vrste divljači van režima zaštite,
- obezbjeđivati hranu za sve vrste divljači koja živi u lovištu u potrebnoj količini, a za vrijeme pojave povećanja šteta, neposredno prije sjetve ili sadnje, za vrijeme suše, u vrijeme dozrijevanja usjeva i plodova, kao i pojačanu ishranu i prihranjivanje divljači koja čini štetu,
- obezbjeđivati dovoljne količine higijenski ispravne vode za divljač (uređenjem i održavanjem izvora, bunara i pojila i osiguranje prirodnih prostora gdje se zadržava voda),
- podizati "polja za divljač" i "remize za divljač" sjetvom i sadnjom biljnih vrsta koje privlače divljač u dijelovima lovišta udaljenim od površina na kojima divljač pričinjava štete,
- pružati pomoć vlasnicima i korisnicima zemljišta na kojima se nalazi lovište pri nabavci sredstava za odbijanje divljači (repelenata) i davati uputstva o korišćenju tih sredstava u cilju sprečavanja, odnosno smanjivanja šteta od divljači. Obim i način pružanja pomoći utvrđuju sporazumno korisnik lovišta i vlasnik-korisnik zemljišta, voda, usjeva i zasada,
- poduzimati mjere na čuvanju lovišta, edukaciji i kontinuiranom obavješćavanju lokalnog stanovništva o svemu što je od zajedničkog interesa,
- povećavati broj lovočuvara u vrijeme pojave većih šteta u određenim dijelovima lovišta, u cilju sprečavanja i smanjivanja šteta,
- istjerivati divljač s ugroženog zemljišta,
- postavljati znakove upozorenja na javnim putevima gdje su prelazi za divljač, uz prethodnu saglasnost nadležnog ministarstva,

- provoditi redovnu kontrolu zdravstvenog stanja divljači i sve druge mjere na koje ih obavezuju određeni propisi.

Trend šteta od divljih svinja je u porastu, ali ne zbog prenamnoženja populacije, već zbog odsustva planskog gospodarenja lovištem, koje između ostalog, obavezuje korisnika lovišta da realizuje odredbe lovnoprivredne osnove i godišnjeg plana gospodarenja lovištem (izvrše planirani odstrjel divljači), kao i da u lovištu obezbijedi dovoljne količine hrane i vode za prehranu divljači.

Napomena: Grad Gradačac, Gradska služba za privredu, budžet i finansije je aktima broj: 07-20-303/20 od 23.07.2020. godine i 02-20-1687/21 od 01.06.2021. godine zatražila od ovog Ministarstva izdavanje odobrenja za smanjenje broja divljih svinja na području grada Gradačac, odnosno u lovištu „Gradašnica“ Gradačac.

Federalni ministar poljoprivrede, vodoprivrede i šumarstva donio je Rješenja broj: UP-I-08-22/8-1170-1/20 od 13.08.2020. godine i UP-I-08-22/8-862/21 od 05.08.2021. godine kojima je odobren odstrjel 60 grla divljih svinja sa ciljem da se brojnost ove vrste divljači svede na optimalan nivo u lovištu „Gradašnica“ Gradačac.

Prema izvještajima o izvršenom inspekcijskom pregledu kod korisnika lovišta L.D. „Jelen“ Gradačac broj:17/4-I-22-008490/20 od 28.08.2020. godine i 17/4-I-22-004850/21 od 30.08.2021. godine nadležni inspektor Kantonalne uprave za inspekcijske poslove Tuzlanskog kantona vršeći inspekcijski nadzor izvršenja lova po osnovu gore navedenih odobrenja konstatovao je da je u periodu od 20.-23.08.2020. godine izvršen odstrjel deset (10) grla divlje svinje, a u periodu od 19.-22.08.2021. godine dvanaest (12) grla divlje svinje.

Shodno navedenom, može se zaključiti da je Federalni ministar poljoprivrede, vodoprivrede i šumarstva na području grada Gradačac, odnosno u lovištu „Gradašnica“ Gradačac u periodu 2020. i 2021. godine pored redovnog plana odstrjela, odobrio dodatni odstrjel šezdeset (60) grla divlje svinje, a da je lovačko društvo „Jelen“ Gradačac kao korisnik lovišta „Gradašnica“ izvršilo odstrjel samo dvadeset dva (22) grla divlje svinje.

S poštovanjem,


MINISTAR
mr.sci. Šemsudin Dedić

Dostavljeno:

1. Naslovu....x 3;
2. FMPVŠ, Sektor za šumarstvo i lovstvo;
3. Arhiva.